

四

時

纂

要

四時纂要序

夫有國者莫不以農為本有家者莫不以食為本

稼穡既興神農憔悴后稷播植百穀帝堯恭受四時是以德邁百王澤流萬世者也復有商鞅務耕織遂成秦帝之基范蠡開土田卒報越王之恥下及祖龍狼顧四海蠶食諸侯遂焚詩書欲愚黔首唯種樹之法下筮之文免陞秦坑不藏魯壁故知賢愚共守之道也管子曰倉粟實知禮節衣食足知榮辱誠哉是言也君父母凍於前妻子餓於後而為顏闕之行亦滿無一焉設此帶甲百萬金城湯池軍無積糧其何以守雖有羲軒之德龔黃之仁民無粒儲其何以知貨殖之術賢教化

先且商辛之有八荒而國用不足姬昌之王百里而共
食有餘非夫天雨穀粟於周而降水旱於紂蓋不務勸
農之術而無節財之方余是以編閱農書搜羅雜訣廣
雅爾雅則定其土產月令家令則敘彼時宜采范勝種
樹之書撥崔寔試穀之法而又韋氏月錄傷於簡閱齊
民要術弊在迂踈今則刪兩氏之繁無撮諸家之術數
諱可嗤孔子速富則安問陶朱加以占八節之風
雲五穀之貴賤手試必成之醞醢家傳立效之方書
至於相馬醫牛飮雞蔬既資傳識豈可棄遺事出千門
編成五卷雖慙老農老圃但冀傳子傳孫仍希好事英
賢庶幾不罪於比故目之為四時纂要云耳

四時養要春令卷之一

正月

孟春達寅自立春即得正月節凡陰陽避忌宜依

正月法昏昂中曉心中

日入後二刻半為昏雨水日出前二刻半為曉

為正月中氣昏畢中曉尾中凡出行要知昏曉上探架屋

所為百事莫不順其早晚是以列子篇首實為切務○天

道是月天道南行修造出行宜南方吉○晦朔占朔旦晴

明無雲而溫不風至暮發善而宋賤若有疾風盛雨折木

發屋揚沙走石絲絲貴蚕敗而穀不成晦與旦風雨者皆

穀貴朔日霧歲飢朔日雷雨者下田與麥善未黍小熟朔

日雨水猛獸見狼如狗朔日立春民不安○歲首雜占月

令占侯圖曰自元日至八日占禽獸一日為雞天晴氣朗

人安國泰四庚來賁二日為狗無風雨即大熟三日為猪
天氣明朗君安四日為羊氣色和暖無災臣順君命五日
為馬如晴明天下豐稔六日為牛日月光晴歲大熟七日
為人從旦至暮日色晴朗夜見星辰民安國寧君臣和會
八日為穀如晝晴夜見星辰五穀豐熟其日晴明則所主
之物蕃息陰晦則衰耗○月內雜占是月一日值甲米賤
人疫值乙米麥貴人病死值丙四十日旱人安四月值丁
絲繅六十日貴值戊粟麥魚鹽貴又旱四十五日值己米
貴蚕凶多風雨值庚金銅貴穀熟人多病值辛麻麥貴穀
熟值壬米麥賤絹布大豆貴值癸穀傷人病多兩月內甲
戌大風從東南來折樹稻熟甲寅庚寅風從丙午來

貴幸深即麥賤午深即菜貴又常以冬至數至正月上旬

日滿五十日人食長一日餘一月食少一日即少一月食

此有據朔日溫正月來賤以十二日占十二月取最風最

寒之日為最貴之月若自一日至五日已來不風雨調和

無寒穀賤正月戊寅己卯日小風穀小貴大風大貴在六

十日上卯日風從東北來穀三倍貴東來一倍西來賤月

內有甲子蚕善而菜貴己日溫麥善丑日溫米善寅日溫

稻善卯日溫豆善此月江河出七月穀貴月仙與賤人多災

○立春雜占常以入節日月中時立一丈表竿度影得一

尺大疫大旱大暑大飢二尺赤地千里三尺大旱四尺凶

旱五尺下田熟六尺高下熟七尺善八尺澇九尺及一丈

大水若其日不見月為上次空八尺表日中時影得一丈三尺七分半宜大豆凡春夏影短為旱長為病為水秋冬短為旱長為水霜雷如度即吉他節准此其日陰者前後十日同占○占月影十五夜月中時立七尺表影得一丈九尺八尺並滂而多雨七尺善六尺普善五尺下田吉並有熟處四尺飢而蟲三尺旱二尺大旱一尺大病大飢又上下弦月色占之青黑潤明主旬有雨黃赤無其雨餘月做此○占雲氣立春日艮卦用事雞鳴丑時艮上有黃雲氣艮氣至也宜大豆良氣不至萬物不成應在其衝衝在朔七月朔旦四面有黃雲氣其歲大豐四方普熟有青雲氣雜黃雲氣有蝗蟲赤氣大旱黑氣大水又朔旦東方有青氣春多

雨人民疫白雲八月凶赤雲春旱黑雲春多雨黃雲春多
土功興南方有赤雲夏旱穀貴黑雲青雲夏多雨白雲夏
凶黃雲夏土功興西方占秋北方占冬並准此占之又朔
旦日初出時有赤雲如霞蔽日發凶懸帛貴又四面並有
赤雲歲猶善但小旱○占風立春日艮風來宜大豆又熟
坤來多寒大豆貴貴在四十五日中兌來疾病巽來多風
巽來多旱震來霜傷物乾來亦霜害物而穀貴坎來春寒
立春以金尤寒大飢而疾立春雨傷五禾春甲子日必有
風雨無風雨人民不耕又朔日風從南來夏余賤年中旱
酉來春夏余貴豆熟東來余賤北來滂西北來小豆熟又
夏余貴東北來大熟東南來疾疫朔日無風沉陰不見月

而溫歲美十倍若大風寒災甚貴從旦至巳即正月貴從
巳至申即二月貴從申至酉即三月貴一日占至三月他
皆倣此風悲鳴疾起災深若小小微動葉災輕又旦日至
三日已來不風空陰不見日其年大善十倍又月旦決八

風風從北方為中歲東北為上歲聽都邑人民之聲聲宮

則歲美商則有兵徵則旱羽則水角則歲凶

宮吉居中屬
土商口開張

傷金角舌縮却屬木羽骨
振象屬水徵舌性齒屬火○占雷元日雷鳴主禾黍麥大

吉正月有雷人民不炊甲子雷主五穀豐稔○占雨朔日

雨春旱人食一升二日雨人食二分三日雨人食三分四

日雨人食四分五日雨主大熟如此至七日已來驗也數

至十二日直其月占水旱春雨甲子赤地千里五日內霧

穀傷民飢朔日霧歲必飢又春三雨甲寅乙卯夏余貴一
倍夏雨丙寅丁卯秋穀貴一倍秋雨庚寅辛卯冬穀貴一
倍冬雨壬寅癸卯春穀貴一倍若四時皆雨米一石直金
一石皆以入地五寸為侯凡甲申風雨五穀大貴小雨小
貴大雨大貴若溝瀆皆滿者急聚五穀甲申至己丑已來
風雨皆穀貴庚寅至癸巳風雨皆主余折皆以入地五寸
為侯五月為麥六月為黍七月為粟八月為菽九月為穀
以此則之假如五月雨庚寅即麥折錢他月依此春夏三
雨辰蟲生三雨未蟲死蟲生蟲死非獨蝗蜚百蔬五果之
蟲同占○占六子正月上旬有甲子則雨丙子則旱戊子
則蟲蝗庚子則凶繼收得半唯壬子豐稔○地元按師曠

曰其年一物先生主一年之候齊先生主豐蔭先生主
苦藕先生主水疾黎先生主旱蓬先生主流亡藻先生主疾
又月所離列宿日風雲占其國然必察大歲所在金穰水
毀木飢火旱此其大經也○占八穀萬物凡八穀各自為
陰陽主一貴一賤稻與小麥為陰陽黍與小豆為陰陽粟
與大豆為陰陽比八物一貴一賤常以八節日審察其價
上增三下減四先一日後一日亦同占若相貴十四五已
上可積百倍又入節之日五穀價下一增三萬不失一期
在四十五日中又萬物入市候之人言賤者則聚之百姓
棄者急之其貴不過一時皆以數倍矣近則一時十遠
則三時二百七○元日備新曆日爆竹於庭前以辟出前

時進屠蘇酒方具十造仙木即今桃符也玉燭寶典云仙

木象鬱壘山桃樹百鬼所畏歲旦置門前挿柳枝門上以

畏百鬼又歲旦服赤小豆二七粒面東以蠶汁下即一年

不疾病闔家悉令服之又歲旦投麻子二七粒小豆二七

粒於井中辟瘟又上椒酒五辛盤於家長以獻壽朔旦可

受符錄又元日理敗履於庭中家出印綬之子又曉夜子

初時凡家之敗箒俱燒於院中勿令棄之出院令人倉庫

不虛又纒懸紫炭之麻糍排插門戶上却痰疔禁一切之

鬼○上會日七日也可齋戒早起男吞赤小豆一七粒女

吞二七粒一年不病又初七日夜俗謂鬼鳥過行人家拖

床打戶拔狗耳滅燈以懼之鬼鳥九頭獸也其血或羽毛

落人家凶屋之則吉又凡人無子者夫婦同於富人家造
燈盞以來安於床下則當月有孕矣○上元日十五日也
可齋戒讀黃庭度人經則令人能資福壽○月內占吉凶
地天德在丁月德在丙月空在壬月合在辛月厭在戌月
殺在丑凡修造宜於天德月德月合上取土吉厭殺凶凡
歲衣安產婦或一切掩穢事月空上吉修造取土月空吉
他月不復編敘取此為例○黃道子為青龍丑為明堂辰
為金匱巳為天德未為玉堂戌為司命凡出軍遠行商賈
移徙嫁娶吉凶百事出其下即得天福木避將軍大歲刑
禍姓墓月建等若疾病移往黃道下即差不堪移者轉面
向之亦吉○黑道寅為天刑卯為朱雀午為白虎申為天

牢固為玄武亥為句陳巳上不可犯犯之必有死亡失財

劫盜刑獄之事切宜慎之凡用黃道更與天德月德月空

月合日者用之尤吉若值大歲黑方五鬼將軍并者雖云

不避亦宜且罷世人尚不欲以威力臨之即凶神亦不可

以天福凌之也他月做此○天赦春三月在戊寅吉○出

行日凡春三月不東行犯王方又立春後七日為往并立春日

數不可遠行移徙正月丑為歸忌不可出行還家嫁娶煙

葬立春前一日并癸亥日正月六日七日二十日是窮日

寅日為天羅亦名往亡土公不可遠行動土傷人凶晦朔

亦忌出行○臺土時正月每日禺中巳時是行者往而不

返○四殺沒時四孟之月用甲時寅後卯前丙時巳後午

前庚時申後酉前土時亥後子前巳上四時鬼神不見可

為百事架屋埋葬上官並宜用之○謹凶日子為狼籍巳

為天剛亥為河魁不可為百事嫁娶埋葬尤忌他月做此

辰為九焦又為九空不可種蒔上官求財為坎垣丑為血

忌不可針灸出血子為天火巳為地火不可起造種蒔○

嫁娶日求婦成日吉天雄在寅地雌在午不可嫁娶新婦

下車土時吉此月生男不可娶四月十一月生女害夫大

凶是月納財火命女宜子孫水命女吉木命女自如土命

女凶金命女孤寡是月納財壬子癸卯壬寅乙卯吉是月

行嫁卯酉女吉丑未女妨夫寅申女自妨辰戌女妨父母

巳亥女妨舅姑子午女妨首子媒人又天地相去日戊午

己未庚辰五亥不可嫁娶主生離又春甲子乙亥害九夫

又陰陽不將日丙寅丁卯丙子丁丑己卯丁亥己丑庚寅

辛卯己亥庚子辛丑辛亥己上十三日不將日嫁娶吉○

喪葬此月死者妨寅申巳亥人不可臨屍凶斬草丁卯辛

卯癸卯乙卯壬子吉殯壬子吉葬壬申癸酉壬午丁酉丙

申丙午己酉辛酉吉○推六道死道甲庚天道乙辛地道

乾巽兵道丙壬人道丁癸鬼道坤艮地道鬼道葬送往來

吉天道人道嫁娶往來吉他月做此○五姓利年宮婚丑

未巳午申酉年吉商子亥申酉年角寅卯子亥年吉徵寅

卯巳午丑亥年羽申酉子亥寅卯年吉五姓用月日時同

此○起土飛鷹在戌土符在丑月刑在巳大禁北方地獄

庚子庚午巳上地不可起土修造凶日辰亦避之吉寅為
土公月福德在酉取土吉月財地在午此黃帝招財致福
之地若起屋令人得財大富疾者愈繫者出如不起造即
掘其地方圓三尺取土泥屋四壁令人富出金匱訣○移
徙大耗在申小耗在未五富在亥五貧在巳貧耗日移徙
往其方立致亡財口五富日吉餘具出行門○架屋日甲
子乙丑丙子戊寅辛巳丁亥癸巳己亥辛亥辛卯己巳壬
辰庚午庚辰庚子乙巳丙午巳上架屋吉○襪鎮正旦元
日以鵲巢燒之著廁辟矣又廁前草月初上寅日燒中庭
令人一家不著天行月三日買竹筒四枚置家中四壁上
令田蚕萬倍錢財自來十五日以殘餅糜焚令焦和穀種

種之辟蟲月內甲子拔白晦日汲井花水服令鬚髮不白

元日取五辛食之令人開五臟去伏熱元日取小便洗脈

下治脈氣大効四日凌晨拔白永不生神仙拔白日他月

做此拔白八日沐浴去災禍神仙沐浴日○禳鼠日此月

辰日塞穴鼠當自死又取前月所斬鼠尾於此月一日日

未出時家長於蚕室祝曰制斷鼠蟲切不得行三祝而置

於壁上永無鼠暴○食忌此月勿食虎豺狸肉令人傷神

勿食生葱令人起游風勿食蓼○是月也命童子入學之

暇習方術止博奕合諸丸散煎膏藥余有二膏方手試神

效救人甚多已載在十二月中○祀門戶土地歲時記云

望日以柳枝插戶上致酒脯祭之齊諧記云吳縣張成夜

於宅東見一婦人曰我是地神明日月半宜以饀糜白粥
祭我令君家蚕桑萬倍後果如言令人效之謂之黏錢財
○辟五果蟲法正月旦雞鳴時把火遍照五果及桑樹上
下則無蟲時年有桑果災生蟲者元日照者必免也○嫁
樹法元日日未出時以斧斑駁椎斫果木等樹則子繁而
不落謂之嫁樹晦日同嫁李樹則以石安樹丫間○種藕
初春掘取藕根取藕根頭著泥中種之當年著花○附地
刈楮事具二月種楮門中若種榆此月亦同比法○治薶
畦此月上辛日掃去薶畦中枯葉下水加糞○貯神水立
春日貯水謂之神水釀酒不壞○耕地齊民要術云比月
耕地一當五○鋤麥是月鋤麥再遍為良又種春麥○墾

瓜地是月以犁墾其地法冬中取瓜子每數介內熱牛糞中凍之拾取聚置陰地至正月耕地逐場布種之一步一下糞塊耕而覆之瓜生則茂而早熟○種冬瓜是月晦日傍墻區種之區圓二寸深五寸著糞種之苗生以柴引上墻每日午後澆之○種葵晦日種之神仙種法臨種必須乾曝子其子千歲不暘地不厭良故彌善薄則糞之葵須畦種水澆畦長兩步闊一步大則水難勻他畦倣此深掘以熟糞和中半以鐵齒耜耨之令熟足躡令堅平下水令微濕滲下葵子又取和糞土蓋之厚一寸葵生葉然後一澆澆以早暮每一掐即爬耨地令起下以加糞三掐即更種秋掐須俟露晞收葵子須俟霜降若以種草蓋經冬收

子謂之冬癸子入藥用○接樹右取樹本如斧柯大及臂大者皆可接謂之樹砧砧若稍大即去地一尺截之若去地近截之則地力大壯矣夾煞所接之木稍小即去地七八寸截之若砧小而高截則地氣難應須以細齒鋸截鋸齒處即損其砧皮取快刀子於砧緣相對側劈開令深一寸每砧對接兩枝候俱活即待葉生去二枝之弱者所接樹選其向陽細嫩枝如筋大者長四五寸許陰枝即小實其枝須兩節無須是二年枝方可接接時微批一頭入砧處插入砧緣劈處令入五分其入須兩邊批所接枝皮處插了令與砧皮齊切令寬急得所寬即陽氣不應急即力大夾殺全在細意酌度插枝了別取本色樹皮一片闊半

寸纏所接樹砧緣瘡口恐雨入纏了即以黃泥封之其砧
面并枝頭並令如法泥訖仍以紙裹頭麻纏之恐其泥落
故也砧上有葉生即旋去之仍以灰糞擁其砧根外以刺
棘遮護勿使有物撥動其根枝春雨得所尤易活其實內
子相類者林檎梨向木瓜砧上栗向櫟砧上皆活蓋是類
也○秧籬每一科一莖○雜種是月種豌豆葱芋蒜瓜瓠
葵蓼音宿籬薇之類○栽樹凡栽樹須記南北枝坑中著水
作泥即下樹栽掘令泥入根中即四面下土緊築上留三
寸浮土埋須是深澆令常潤勿令手近及六畜觸觸凡一
切樹正月十五日已前上時無多子○種粟收曾粟堪水
淘取子曝乾熟耕地畦種如葵法土不得厚厚即不生符

高一尺又上糞土一遍當四五尺常耘令淨來年正月移之白菜無子壓條種之纔收得子便種亦可只須於陰地頻澆為妙○移菜正月二月三月並得熟耕地五六遍五步一株著糞二三分至秋初斫根下更著糞培土三年即堪採每年及時斜斫以繩繫石墜四向枝令縷發中心亦屈却勿令直上難採○種梓以此月下子明年以此月移之同棠法也○種竹宜高平處取西南引根者去梢葉院中東北角栽種之坑深二尺許作稀泥於坑中即下竹栽以土覆之杵築定勿將腳踏踏則筍不生土厚五寸竹忌手把及洗手面肥水澆著即枯死竹性好西南故於東北種之○種柳取青嫩枝如臂大長六七尺燒下頭三二寸

埋二尺已來常以水澆苗俱出留一茂者豎一木作依以
繩縛定勿令風動一年便大但旋去傍枝尤宜濕地○松
柏雜木此月並是良時唯果樹從朔及望而止過即少子
俗云一年計樹之以穀十年計樹之以木又云一日之計
在一晨一年之計在一春故知時不可失也○種榆榆性
好陰地其下不植五穀種者宜於園北背陰之處秋熟耕
其地以榆漫散澇之明年正月附地刈却草覆放火燒之
一根上必數十莖條生只留一根強者餘悉去之一年便
長八九尺後年移栽之叢長直而且速故三年乃可移初
生三年勿採葉亦勿斫剝之須留距二寸許三年外賣葉
五年堪作椽十五年堪作車轂年年科棟為柴之利已自

無算况堪充諸器物其利十倍斫而復生不勞更種一項地歲收千匹只用一人守護既省人工又無水旱蟲蝗之災比之餘田勞逸萬倍男女初生各乞與小樹二十株種之洎至成立嫁娶所用之資粗得充事夾樹刺榆三種之法略同○種白楊林法秋耕熟地正二三月犁壟中逆順一正一倒使寬斫白楊枝如指大長二尺屈壟中疊上令兩頭出二尺成株明年正月剪去惡枝一畝三壟七百二十株六畝四千二百二十株三年堪為蚕椽五年堪作屋椽十年堪作棟樑歲種三十畝三年種九十畝歲賣三十畝永世無窮矣○投臘酒前月所釀此月投○合醬此月為上時法已具十二月中若晦日造取初夜於北墻下和

面北銜枚勿語蟲即不生○備種子者事將與此月具農
器種子○辟野蜂蟲法具在九月中○辟蝗蟲法以原蚕
矢雜黍種則禾蟲不生又取馬骨一莖碎以水三石煮
之三五沸去滓以汁浸附子五箇三四日去附子以汁和
黍矢各等分攪合令勻如稠粥去下種二十日已前將澆
種如麥餅狀常以晴日澆之布上攤攪令一日內乾明日
復澆三度即止至下種日以餘汁再拌而種之則苗稼不
被蝗蟲所害無馬骨則全用雲水代之雲者五穀之精也
使禾稼耐旱冬中宜多收雲貯用兩收必倍黃繭蛹汁和
澆亦耐旱而肥一畝可信常收○五穀忌日凡種五穀常
以生長日種吉者死日收薄忌日種傷敗用成滿平定開

日佳九焦死日不杖范勝書曰未生於寅壯於午長於甲
者於戌死於申惡於壬癸忌於丙丁又大小豆生于申壯
于子長于丑老于丑死于寅惡于甲乙忌于丙丁又大小
麥生于亥壯于卯長于辰老于巳死于午惡于戌己忌于
子丑又黍稷生于巳壯于酉長于戌老于亥死于丑惡于
丙丁忌于寅卯小豆忌卯麻忌辰林忌未寅小麥忌戌喬
麥忌除大豆忌卯按大史曰陰陽之家拘而多忌不可不
知俗曰以時及澤為上策然忌日種之多傷敗非虛言也
如燒穰則害孰理不可知○揀耕牛法耕牛眼去角近眼
欲得大眼中有白脉貫瞳子頸骨長大後腳股闊並主使
快旋毛當眼下無壽兩角有亂毛起妙主初買時牽來牛

口開者凶不可買赤牛黃牛烏眼者妨主白頭牛白過耳
主群倚脚不正者病毛欲得短密疎長者不耐寒耳多長
毛不耐寒尿射前脚者快直下者不快毛不用至地頭不
用多肉尾骨鹿大少毛者有力角欲得細身欲得圓鼻如
鏡鼻者難牽口方易飼筋欲密鼻欲大而張易牽仍易使
陰虹屬頸者千里牛也陰虹屬頭而白尾者昔寧戚所飢
者陽盞欲廣陽盞者夾尾前兩尻上當陽中間脊欲得衆
如此者佳若衆則為雙脊並多力不衆者則為雙脊少力
○治牛疫方當取人參細切水煎取汁冷灌口中五升已
來即差又取真安息香於牛欄中燒如焚香法如初覺一
頭發兩頭是疫即牽出於鼻吸其香氣立止又方十二月


兔頭燒作灰和水五升灌口中差○牛欲死腸腹脹方取
婦人陰毛草中與牛食即差又方研麻子汁五升溫令熱
灌口中即愈此治食生豆脹欲死者方甚妙○牛鼻脹方
以醋灌耳中立差○牛疥方煮烏豆汁熱洗五度一本云
烏頭汁
○牛肚脹及嗽方取榆白皮水煮令熟甚滑以三五升灌
之即差○牛蝨方以胡麻油塗之即愈猪肚亦得六畜塗
之亦差○牛中熱方取兔腹臄音吐毀之
百葉也去糞以魚腹令
吞之不過再服即差○收羔種要術云羔正月生者為上
以其母舍重之時足乳食母乳適盡即得春草而羔兒不
瘦是故十二月及正月生者為上十一月者次之收為種
故羊勿近水傷水則蹄甲膿出但二日一飲緩驅行急行

則傷春夏宜早放秋冬宜晚冬日收圈不厭實架北牆
為廠圈中立臺開竇勿使停水二日一飲除糞圈內須傍
豎柴棚圈匝令棚出牆勿令狼虎得越又恐羊搯牆土即
毛不堪入用羊有疥者即須別養○羊疥方藜蘆根敲打
令皮破以泔浸之瓶盛塞口安於竈畔令常煖數日味酸
便中用以輒瓦刮疥處令赤若堅硬者湯洗之去亦拭令
乾以藥汁塗之再上即愈疥者多逐日漸漸塗之勿一頓
塗恐不勝痛也又方猪脂和臭黃塗之愈○羊中水方羊
膿鼻眼不淨者皆以水洗治之其方用湯和鹽杓中研令
極醜候冷取清者以筒子可受一雞子者灌兩鼻各一角
五日後必肥以取鼻為候未差再灌○羊膿鼻方羊膿鼻

及口頰生瘡如乾癬者相染多致絕群治之方豎長竿圍中竿頭致板令獼猴居上辟狐狸而益羊差病也○羊夾蹄方取殺羊脂和煎令熟燒鐵令微熱勻脂烙之勿令入泥水不日而愈○凡羊經濟疥差後至夏肥時宜速賣之不爾春再發○引羊法家政令曰養羊以瓦器盛鹽一二升挂羊欄中羊喜鹽數歸啖之則羊不勞人收也○別羊病法當欄前後作坑深二尺廣四尺荆湖江浙以兩多往是山豎可廣五尺往來皆跳過者不病如有病入坑行宜便別著恐相染也○貯羊糞牛羊糞正月貯之充煎乳大軟而無患柴火則易致乾焦也○雜事豎籬落糞田開荒租地修蚕屋織蚕箔春朱此月造棗杓造麻鞋放人工築垣墻○孟春行夏

令則雨水不時草木先落○行秋令則人大疫飄風暴
雨摠至黎莠蓬蒿並興○行冬令則水潦為敗雪霜大擊
首種不入○是月也宜蔬齋持戒課誦經文謂之三長月

三長月正五
九月是也



四月六日
三月七日
二月八日
正月九日
十二月十日
十一月十一日

庚申	庚申	庚申
庚申	庚申	庚申
庚申	庚申	庚申

十二月十日
十一月十一日
十月十二日
九月十三日
八月十四日
七月十五日
六月十六日

庚子年十月十日
庚子年十月十日
庚子年十月十日
庚子年十月十日

庚戌丑未各十三刻
寅卯巳午申酉亥子
各六刻
晝夜成其一百刻

庚子年十月十日
庚子年十月十日
庚子年十月十日
庚子年十月十日

四時纂要春令卷之二

二月

仲春建卯自驚蟄即得二月節陰陽避忌並宜用

二月法昏東井中曉箕中春分為二月中氣昏東

井中曉南斗中

事與正
月門中

○天道是月天道西行修造出行

宜西方吉○晦朔占朔日雨稻惡余貴晦日雨多疾病○

月內雜占是月無三卯稻為上早種之有三卯宜豆無丙

午夏禾稼不長是月虹見八月穀貴出西方棺木貴朔驚

蟄蝗蟲朔春分歲凶○占雨月內甲寅乙卯雨甲申至己

丑雨庚寅至癸巳雨雨三辰雨三未巳上並同正月占又

春雨甲子旱皆以入地五寸為候○占雷凡雷聲初發和

雅歲善聲擊烈驚異者有災害起艮采賤起震棺木貴歲

主豐起巽霜卒降蝗蟲起
為主早起坤有蝗災起兌金錢
貴起乾民多疾起坎歲多雨春甲子雷五穀豐稔○春分

占先立一丈表占影

巳具正月

次立八尺表日午時得影長七

尺四寸五分宜麥或長短巳具正月中其日陰前後一日

同占○占氣春分之日震卦用事日出正東有雲氣青色

震氣至也宜麥歲大善若無青雲氣震氣不至年中小雷

萬物不實人民熱疾應在八月謂其衝也其日晴明萬物

不成陰不見日為上○占風春分日西方有疾風來小麥

貴貴在四十五日中震風來小麥賤而年豐兌風來春寒

人疫巽風來蟲生四月多暴風乾風來歲中多寒雨風來

五月先水後旱坎風來小水艮風來其年米貴一倍春分

以金歲多風○別寢驚蟄前後各五日別寢否則生子不備○月內吉凶地天德在坤月德在甲月空在庚月合在

巳月厭在酉月殺在戌○黃道寅為青龍卯為明堂午為

金匱未為天德酉為玉堂子為司命○黑道辰為天刑巳

為朱雀申為白虎戌為天牢亥為玄武丑為勾陳

事並具正月注

中○天赦春三月戊寅○出行日春不東行驚蟄後十四

日為往亡又二日七日十四日為窮日亥為天羅寅為歸

忌巳日亦為往亡亦為土公春分前一日春分日乙亥並

不可遠行○臺土時二月辰時是行者往而不返○四殺

沒時四仲月用乾時戌後亥前艮時丑後寅前坤時未後

申前巽時辰後巳前巳午酉時可為百事架屋埋葬上官

皆吉○諸凶日子為天剛午為何魁卯為狼籍丑為九焦

未為血忌卯為天火酉為地火並具正月注中○嫁娘日求婦收

成日大吉天雄在亥地雌在未不可嫁娘新婦下車乾時

吉此月生男不可嫌五月十一月生女害夫此月納財火

命女宜子孫水命女大吉土命女凶木命女自如金命女

孤寡納財日己卯壬寅癸卯壬子乙卯此月行嫁寅申女

吉辰戌女妨夫巳亥女妨首子子午女妨舅姑丑未女妨

父母卯酉女妨媒人天地相去日巳具正月春甲子乙亥害九

夫陰陽不將日可以結婚乙丑丙寅丁卯乙亥丙子丁丑

乙卯丙戌丁亥己丑庚寅己亥庚子庚戌並大吉○受葬

此月死者妨子午卯酉生人不可臨屍凶斬草丙子庚子

壬子吉殞丙寅甲午庚寅庚子甲寅大吉葬庚午壬申癸
酉壬子甲申丙申壬午己酉庚申吉○推六道死道乙辛
天道乾巽地道丙壬兵道丁癸人道坤艮鬼道甲庚○五
姓利月徵羽商角皆為利月其利日與年並
具在正月門中宮姓丙○起
土飛廉在巳土符在巳土公在巳月刑在子大禁西方地
囊在癸亥癸其巳上地不可起土建造月福德在申月財
地在巳取土吉○移徙大耗在酉小耗在申五富在寅五
貧在申移徙不可往貧耗方凶春甲子乙亥並不可移徙
婚嫁入宅凶○架屋甲子丙子戊寅丁亥甲午己亥庚子
辛亥癸卯庚辰庚午辛丑己巳乙未癸巳辛巳丁巳巳上
飛大吉良日五酉日不架屋○櫻鎮桃杏花此月丁亥日

收陰乾為末戊子日用井花水服方匕日三服療婦人無子大驗又此月乙酉日日中時北首臥合陰陽有子即貴上丑日取土泥蚕屋宜蚕上辰日取道中土泥門戶辟官事八日沐浴注具八月拔白神仙良日上卯日沐髮愈疾病南陽太守目盲太原王景有沉痾用之皆愈○食忌是月勿食蓼傷腎勿食兔傷神勿食雞子令人惡心九日勿食鮮魚仙家大忌○習射順陽氣也○耕地此月耕地一當五也○種穀是月上旬為上時凡春種欲深遇小雨接濕種遇大雨待草生先鋤草而後下子春種即用秋耕之地得仰攏待雨苗出攏則深鋤鋤不厭頻無草亦鋤鋤滿十遍粟得入米種穀良日已具正月○種大豆是月仲旬為上時每

畝用種八升種欲深再鋤之三四月種亦得但用費子耳

肥田欲稀豆地不求熟熟地則葉茂少實若地熟則稀種

之葉落盡然後刈之不盡則難治刈訖則速耕大豆性炒

不秋耕則地無澤○區種法坎方深各六寸相去二尺許

坎內好牛糞一升攪和注水三升下豆三粒覆土勿令厚

以掌輕抑之令土種親每畝用種三分糞十三石五斗

生五六葉即鋤之早則澆至秋每畝合收十六石○收豆

法莢黑莖蒼便須收之過熟則莢落損折太多收豆青莢

在上黑莢在下也○種早稻此月中旬為上時先浸令開

口樓搗搗種而科大再鋤澇趁歲旱應時晚即勿浸種

恐芽焦不生若春有雨依此種以膠攤者如概者五六月

中霖雨時拔而栽之苗長者亦可拔之去葉端數寸勿令
傷心○種瓜是月當上旬為上時先淘瓜子以益和之著
鹽則不籠死先開方圓一尺淨去浮土坑雖深大若雜以
就土令瓜不生深五寸納瓜子四介大豆三介於坑傍瓜
性弱苗不能獨生故得大豆以起土瓜生則掐去豆苗○
治瓜籠法旦起露未乾以杖舉瓜蔓起撒灰根下後一兩日
復以土培根瓜則迴矣鋤則著子多不鋤則少子五穀蔬
果皆此例也○種胡麻宜白地是月為上時四月為中五
月為下月半前種實多而成月半後少子而多秕種欲截
雨脚若不因雨一畝用子二升撒種者先以耩耩然後撒
子空曳澆土厚不生耩時用炒沙中半和沙下之不爾即

不勻不過三遍刈束欲小

東大難乾

五六束為一叢相倚之候

口開乘車詣田逐束倒豎小杖輕打之斗數取了還聚之

三日一打四五遍乃盡耳

八稜為胡麻而多油世言黑者為胡麻非也

油麻每

科相去一尺為法若能區種每畝收百石○種芋芋宜近

水肥地和糞種之區方深三尺取豆糞內區中足踐之厚

五寸取區上濕土和糞蓋豆糞上厚二寸以水澆之足踐

令保澤每區安五芋置四角及中央各一芋足踐旱則澆

之糞爛芋生一區可收一石芋可以備凶年宜留意焉○

種韭韭畦欲深下水和糞與葵同法剪之初歲唯一剪每

剪即加糞須深其畦要容糞故也韭勾頭第一番割棄之

主人勿食非不如栽作行令通鋤割一遍以杞耨之令根

不相接為佳如此當葉闊如薤○種薤宜白軟良地耕三遍佳二月三月種八月九月亦得長一尺一根為本必須乾熬切去強根葉生則鋤鋤不厭多葉不用剪剪則質白○種茄法畦水如葵法其茄著五葉因雨移之○蜀芥芸薑並因兩種之二物不耐寒故春種而五月收子○握蒜條拳者握之否則獨顆而黃中旬鋤三遍無草亦鋤○種署預山居要術云擇取白色根如白米粒成者預收子作三五所坑長一文闊三尺深五尺下密布甑坑四面一尺許亦倒布甑防別入土中根即細也作坑子訖填少糞土三行下子種一年土和之填坑滿待苗著架經年已後根甚鹿一坑可支一年食根種者截長一尺已下種○又法

地利經云大者折二寸為根種當年便得子收子後一冬埋之二月初取出便種忌人糞如旱放水澆又不宜苦濕須是牛糞和土種即易成○造署藥粉法二三月內天晴日取署預洗去土小刀子刮去外黑皮後又削去第二重白皮約厚一分已來於淨紙上著安竹箔上熬至夜收於焙籠內以微火養之至來日又熬如陰即以微火養以乾為度如久陰即如火焙乾便成乾署藥入丸散便用其第二重白皮依前別熬乾取為麵甚補益○又方山厨錄云去皮於篋籬中磨泔投百沸湯中當成一塊取出批為文帶雜乳腐為糞灸素食尤珍入臍用亦得○種地黃法已具八月收根門中○下魚種上庚之日下種法具四月種

魚門中○種粟法具九月收粟種門中○種桐青桐九月收
子二月三月作畦種之治畦下水種如葵法五寸一子熟
糞和土覆生則數數澆令潤性至宜濕當年高一丈至冬
堅草樹間令滿中外復厚加草十重束之明年二三月植
廳堂前雅淨可愛大則不用草蔭已後每樹收子一石其
子生於葉上炒食之甚良白桐無子遠大樹掘坑取栽其
木堪為樂器車板盤合等用○移楸楸無子亦大樹掘坑
取栽兩步一樹種之楸作樂器亦堪作盤合堪為棺材更
勝松柏○種櫟宜山阜地三遍熟耕漫撒櫟子再遍澆生
則耨治令淨十年中作椽二十年作屋棟伐而復生凡有
家者向來之木皆宜植十年後無求不給○移椒移大椒

樹二三月先作熟糞泥出即和根泥却行百里猶生若冬
移即須草裹或先生陰蔽映日之地者少稟寒氣尤須裹
之木尚以性成朱藍能不易質故知觀鄰識士見友知人
者也○種紅花二月三月初雨後速種如種麻法具五月
收紅花子門中○種牛蒡熟耕地令深平二月末下子
苗出後耘旱即澆灌八月已後即取根食若取子即須留
却隔年方有子凡是開地須是種之不但畦種也○乾菜
脯枸杞甘草牛膝車前五茄當陸合歡淡明枳殼並堪入
用爛蒸碎搗入椒醬脫作餅子多作以備一年○種菜取
根子劈破畦中種上糞下水一年即稠苗亦可為菜若作
煎宜多種之○種菜取葉相對生者是真黃菁厚長

二寸許稀種之一年後甚稠種子亦得其葉甚美入菜用
其根堪為煎术與黃菁仙家所重故附于此○種決明春
取子畦種同葵法築生便食直至秋間有子若嫌老作播
種亦得若入藥不如種馬蹄者○種百合此物尤宜雞糞
每坑深五寸著雞糞糞上著百合瓣如種蒜法百合始胡
亦化而反

好雞糞理
不可知

○百合麩取根曝乾搗作麩細篩甚益人○種

枸杞作畦種法具十月收枸杞子門中○種園籬凡作籬
於地畔方整深耕三壟中間相去各三尺刺榆夾壟中種
之二年後高三尺間斫去惡者一尺留一根令稀稠勻行
伍直又至來年剔去橫枝留距如不留距瘡大即冬死剔
去訖夾截為籬來年更剔夾之便足用焉豈獨蛇鼠不通

兼有龍鳳之勢非直艸人慙笑亦令行者嗟稱次以五茄
忍冬羅摩植其下株綴且免遠求又助藩籬翳蔚尤宜存
意山居要術用枳殼今謂之臭橘也人家不宜此物為籬
○種大胡蘆二月初掘地作坑方四五尺深亦如之實填
油麻菜豆蔞及爛草等一重糞土一重草如此四五重向
上尺餘著糞土種下十來顆子待生後揀取四莖肥好者
每兩莖肥好者相貼著相貼處以竹子刮去半皮以刮
處相貼用麻皮纏縛定黃泥封聚一如接樹之法待相著
活後各除一頭又取兩活兩莖准前刮半皮相著一如前
法待活後准留一莖左右四莖合為一本待著子揀取兩
箇用正好土者備有旋旋除去食之如此一斗種可變為

盛一石物大此莊子魏惠王大瓠之法○種茶二月中於樹下或北陰之地開坎圍三尺深一尺熟斫著糞和土每坑種六七十顆子蓋土厚一寸強任生草不得耘相去一尺種一方旱即以糞澆此物畏日粟下竹陰地種之皆可二年外方可耘治以小便稀糞蚕沙澆擁之又不可太多恐根嫩故也大槩宜山中帶坡峻若於平地即須於兩畔深開溝壟洩水水浸根必死三年後每科收茶八兩每畝計二百四十科計收茶一百二十斤茶未成開四面不妨種雄麻黍稷等○收茶子熟時收取子和濕沙土拌筐籠盛之穰草蓋不爾即乃凍不生至二月出種之○種牛膝已具八月收子門中○續命湯主半身不遂口問心昏

角弓反張不能言方麻黃六分去節獨活防風各六分升麻

乾葛各五分羚羊角屑桂心甘草各四分右件藥各切碎

用水二大升先煎麻黃六七沸掠去沫次下諸藥浸一宿

明日五更煎取八大合去滓分為兩服溫溫服畢以衣被

蓋卧如人行十里更一服准前蓋卧晚起避風每年春分

後隔日服一劑服三劑即不染天行傷寒及諸風邪等疾

忌生葱蒜菜生冷等物○神明散方具十二月中春分後

宜將施人○雜事裁柳舒蒲桃上架解粟裏縛去石榴裘

縛造醬是月合時造油衣收羔種收乾牛羊糞買氈褥綿衣

此月賤三月亦同寒食前後收柴炭造漆器造弓矢造布放麥

價院冬衣採菜蝶蛸可菜粟大小麥麻子等收毛物同曰

○仲春行夏令則歲大旱暖氣早來蟲螟為害○行秋令則有大水寒氣揔至○行冬令則陽氣不勝麥乃不熟

三月

季春建辰自清明即得三月節陰陽使用宜依三月法昏柳中曉南斗中穀雨為三月中氣昏張中

曉南斗中

事具正月

○天道是月天道北行起造出行宜北方

吉○晦朔占朔日風雨民多病晦雨麥惡朔日清明竹木

再榮朔日穀雨多雷震或旱炎爍石朔風從北來申時不

止粟貴○月內雜占此月無三卯宜種麻黍有三卯宜豆

虹出九月穀貴魚益中五倍月蝕采貴人飢此月雷為上

歲五穀熟

旦為上歲日中為中歲暮為下歲

四日雷五穀豐稔則穀價五

穀以取賤月測之若春最賤貴在來年夏冬最賤貴在來

秋凡春貴去年秋冬每斗利七到夏復貴於秋冬每斗利
九者是陽道之極急菜之必值賤大法正月二月合貴不
貴即三月四月必貴三四月不貴即五六月必貴當貴不
貴即封倉待之必大儉非也○占雨春雨甲寅乙卯甲申
至己丑雨庚寅至癸巳雨三雨辰三雨未並同正
月占甲子雨
同二
月占皆以八地五寸為候○月內吉凶地天德在壬月德
在壬月空在丙月合在丁月厭在申月殺在未○黃道辰
為青龍巳為明堂申為金匱酉為天德亥為玉堂寅為司
命○黑道午為天刑卯為白陳未為朱雀戌為白虎子為
天牢丑為玄武巳具
正月○天赦在戊寅○出行日四季月不
往四維方犯王方也清明後三七日為往亡甲申丙申為

行狠不可出行上官多窒塞巳為天羅子為歸忌八日二十一日為窮日四季巳亥申日為往亡為土公並不可出

行○臺土時每日日出時是也○四殺沒時四季月用乙

時卯後辰前丁時午後未前辛時酉後戌前癸時子後丑

前巳具正月○諸凶日未為天剛丑為河魁午為狼籍戌為九

焦寅為血忌午為天火申為地火○嫁娘日求婦成日吉

天雄在申地雌在寅不可嫁娘新婦下車辛時吉此月生

男不宜嫁六月十二月生女妨夫此月納財金命女宜子

孫火命女吉土命女自如水命女大凶木命女孤寡此月

行嫁巳亥女吉卯酉女妨看子媒人丑未女妨舅姑夫主

辰戌女妨自身寅申女妨父母子午女吉天地相去日具

正月

甲子乙亥損九夫陰陽不將日乙丑甲戌乙亥丙子

丁丑乙酉丙戌丁亥己丑丁酉己亥己酉並大吉○喪葬

此月死者妨辰戌丑未人斬單丁卯辛卯甲午庚子壬子

乙卯殯丙寅丙子甲寅庚寅丁酉葬庚子壬申癸酉甲申

乙酉丙申壬寅庚申辛酉大吉○推六道死道乾巽天道

丙壬地道丁癸兵道艮坤人道甲庚鬼道乙辛○五姓利

月宮戊辰大墓徵丙辰小墓羽主辰大墓商角利月其利

日與年巳備正月宮羽凶○起土飛廉午土符酉土公申

月刑辰大禁南方地囊甲子申寅巳上不可動土月福德子

月財地在巳取土吉○移徙大耗戌小耗酉五富巳五貧

亥不可移徙貧耗方凶卷甲子乙亥不可嫁娶移徙入宅

凶○架屋甲子庚午庚子辛亥己巳乙丑癸巳丙子戊寅
辛巳庚寅巳上架屋吉又五酉日不架屋凶○攘鎮六日
申時洗頭令人利官七日平旦及日入時浴並招財此月
庚午日斬鼠尾血塗屋梁辟鼠三日天陰或雨吞善此月
採桃花未開者陰乾百日與赤樵等分搗和臘月猶脂塗
禿瘡神效三日取桃花收之方具十月中三日收桃葉照
乾搗篩并花水服一錢治心痛寒食日取黍穰於月德上
取土脫塹一百二十口安宅福德上令人致福術具二宅
經六日沐浴除百病十三日拔白同正月注中○食忌是
月勿食脾土王在脾故也勿食雞子令人一生昏亂勿食
鳥獸五臟及百草仙家大忌此月庚寅日勿食魚犬凶○

種穀是月為上時

蟲食桃者
即穀貴

大豆此月上旬為中時一畝

用子一斗○種麻子范勝書云取肥良地耕三遍一畝用

子三升種須斑麻子謂之雌麻

若只求皮即
不必斑麻子

三月為上時

二尺留一根

稠即不成料若只
求皮不用鋤去

鋤常淨待穀即去雄者穀

而去雄者兩
雌不成實

慎不得於大豆地上種少子○種黍稷此月

上旬為上時四月上旬為中時五月上旬為下時凡五穀

百果上旬種即多子十五日已後種即少子矣其地宜開

荒大豆下為次穀下為下其地欲熟再轉乃佳若春耕者

下種後再澆唯熟為良一畝用子四升苗與壟平即於澆

之鋤三遍乃止其地鋤治皆如耒法但欲種踈於耒耳刈

稂欲早刈黍欲晚稂多零落黍早即米不成○種瓜此月

上旬為中時法具二月中○種水稻此月為上時先放水
十日後碌軸打十遍淘種子經三宿去浮者漉裏又三宿

芽生種之每畝下三斗美田稀種瘠田宜稠矣○胡麻此

月為上時法具二月○紫草宜良軟黃白地青沙尤善開

荒黍稷下尤佳不耐水必須高田秋耕後至春又轉耨地

逐隴手下之一畝良地用子一斗半薄地用子二斗下訖

澇之鋤如穀法唯淨為佳墾庶草九月子收熟刈之候捕

乾捕音丈禾積名其草以笮縛束之四把為一頭當日斬齊顛倒

十重許為長行置堅平地以板石鎮壓之令搗及濕壓長而直壓

兩三宿豎頭日中曝令浥浥不乾則黑五十頭作洪箸

廠下陰處涼棚收之忌驢馬糞人溺人尿煙入並令草失

色此利勝藍若人家停之五月須入屋寒穴令密若風入則草色黑立秋乃開○種藍良地三遍細耕此月中浸種令芽理畦下水一如糞法三乘出則澆之晨夜為准耨令淨候可栽即遇雨後拔而栽三壟作一科相去七八寸併工急手栽勿令地乾鋤五遍為良○冬小蒿苗並下自種○種豈宜白沙地和少糞耕不厭熟七八遍佳此月種之闊一步作畦長短任地形橫作龍壟相去一尺餘深五六寸壟中一尺一科帶芽大如三指闊蓋土厚三寸許以糞沙蓋之糞亦得牙出後有草即耘漸漸加土已後壟中却高壟外即深不得併上土鋤不厭頻五月六月作棚蓋之性不耐熱與寒故也九月中掘窖以穀稗合理之不雨即

凍死○蘭香注

○此月並上時往雀多嗜之宜前人種

在一名紫蘇花斷即須收遲則子落盡不可待黃也葱蒨

壟中分種之○種石榴此月上旬取直枝如大姆指大斬

一尺長八九條共為一科燒下頭二寸作坑深一尺餘口

徑一尺豎枝坑畔周布令勻置枯骨壘石於枝間下土令

實一重石骨一重土出枝頭一寸水澆即生又以石置枝

間即茂○種諸名果此月上旬斫取直好枝如大姆指長

一尺五寸插芋頭中種之若無芋頭用蘿蔔蔓菁根插亦

得全勝種核當年便發○栽杏將熟杏和肉埋糞土中至

春既生移栽實地既移不得更於糞池必致少實而味苦

移須合土三步一樹概即味甘服食之家尤宜種之須防

霜著若五果花盛時遭霜即少子可預於園中貯備惡草
遇天雨初晴夜北風寒緊必燒燼草煙以免霜凍○種蒔
子取爛構木及葉於地埋之常以泔澆令濕兩三日即生
又法畦中下爛糞取構木可長六七尺截斷釵碎如種菜
法於畦中勻布土蓋水澆長令潤如初有小苗子仰祀糞
之明旦又出亦推之三度後出者甚大即收食之本自構
木食之不損人構木名構○種梨荷宜樹陰下種之一種菜生
且不須鋤但加糞而已八月初踏其苗令死不齊根不露
十月以糞覆之二月掘去○種蔥宜熟地相去二尺種一
斜一種數年不閤高下但肥即堪種尤宜下糞收子後種
可充蔬○煎餒法糯米一斗揀去飯者淨淘個蒸出置盆

中入少湯拌令勻如粥狀候冷如人體下大麥蘖半升節
碎如麴入飯中熟拌令相入如著手及黏物即入半盞湯
洗刮物手免令生水入和拌了布蓋暖處安天寒微火養
之數看候銷以袋濾之細即用絹為袋篋則用布為袋然
後銅銀器及石鍋中煎杓揚勿停手候稠即止

鐵鍋亦得○是

月收合龍駒合驢馬之牝牡此月三日為上唯令季春之
月乃合驪牛驢馬遊牝于牡仲夏之月遊牝別群則繫騰
駒仲冬之月牛馬畜歟放逸者取之不詰○相馬法馬經
驢馬生墜地無毛日行千里溺舉一足行五百里又數其
肋骨得十莖凡馬也十一者五百里十三者千里也過十
三者天馬也白額入口白喙名的虛目下有橫毛旋毛名

盛淚旋毛在吻後名銜禍旋毛在項白馬黑鬣鞍下有旋

毛名負屍腋下有旋毛名挾屍左脇下有白毛直上名帶

劍汗溝過尾本者踏殺人後脚左右白馬四蹄黑已上

不利主人○馬所忌石灰泥馬槽及繫驢馬於門上令馬

損駒常繫獼猴於馬坊內辟惡消百病令馬不患疥○治

牛馬溫病方獼肉肝肚羹汁灌之不用糞○治馬喉腫方

以物纏刀子露刃鋒一寸許刺咽喉潰即愈又方取乾馬

糞置甌子中頭髮覆之火燒馬糞及髮煙出著馬鼻熏令

煙入鼻中須臾即差又方猪脊引脂亂髮燒煙熏鼻同上

法又療馬心結熱起臥寒戰不食水草方黃連二兩并白

鮮皮一兩并油五合猪脂四兩切右以溫水一升半和藥

調停灌下牽行拋糞即愈○馬疥方臭黃頭髮臘月猪脂

煎令頭髮消及熱塗之立效○馬傷水用葱鹽油和差

成團子內鼻中以手捉馬鼻令不通氣良久待眼淚出即

止○馬傷料多用生蘿蔔三五箇切作片子喫之立效○

馬卒熱腹脹起臥欲死方藍汁二升和冷水二升灌之立

效○治新生小駒子瀉肚方蒿本末三錢匕大麻子研汁

調灌下喉咽便效次以黃連末大麻汁解之○驢馬磨打

破瘡馬齒菜石灰一處搗為團熬乾後再搗羅為末先口

含鹽漿水洗淨用藥末貼之驗○裹馬附骨藥粉霜硃砂

硫黃砒黃木鼈子右以黃蠟融和傅骨上候骨消急去之

○常啖馬藥鬱金大黃甘草山梳子貝母白藥子黃藥子

黃芩欬冬花秦膠黃檗黃連知母苦梗蒿本右件一十五
味各等分同搗羅為末每一匹馬每喫藥末二兩許用油
寧猶脂雞子飯少許同和調喫之喫後不得飲水至夜方
可餒飼○馬氣藥方青橘皮當歸桂心大黃芍藥木通郁
李仁矍麥白芷牽牛子右件十味各等分同搗羅為末用
溫酒調灌每匹馬藥末半兩○裏煇馬藥浪蕩子烏頭羌
花茱萸狗脊蒼朮木鼈子葶藶子右件八味各等分搗羅
為末每匹馬藥末半兩大蒜二顆碎搗醋調麩椒少多同
藥調煎煇之○治馬肺藥蜀升麻琵琶葉扶去
塵土馬兜零乾
地黃人參漢防己貝母黃連乾薑藥麥門冬苦梗鬱金大
黃甘草欬冬花白藥子黃藥子黃檗山梔子秦膠右件二

十味各等分搗羅為末每匹馬用末二兩糯米三合杏仁

一兩去尖大麻子四合研麻杏汁煮糯米粥入蜜六兩調

藥放吟啖之○點馬眼藥青藍黃連馬牙硝麩仁右件四

味各等分同研為末用蜜煎入瓷瓶子盛或點時旋取少

多以井水浸化點之○治馬急起臥取壁上多年石灰細

杵羅用油酒調二兩已來灌之立效○治馬食槽內草結

方好白礬末一兩分為二服每貼和飲水後啖之不過三

兩度即內消却此法神驗○收蔓菁花是月收得治小兒

疳瘡甚妙○收挑花是月多收修術具七月門中○清明

日修蚕具蚕室宜蚕又清明前二日夜雞鳴時取炊湯澆

井口足餘瓮四面辟馬炫百蟲○造酪是月牛羊飽草好

造矣○造氈春毛秋毛相半趕造為上二年鋪後小有縮

黑九月十月以水踏洗了照乾明年更洗永存不敗○合

蕞衣香零陵一斤丁香半斤蘇合半斤甘松三兩龍脛二兩

無則以甲香代之麝香半兩壽金二兩右件並須新好者一味惡

則損諸香物都搗如麻豆以夾絹袋子盛或安衣箱中或

帶於身上○收甲香右取大甲香如崑崙耳者水煮令甚

軟又以酒煮取水去聲煖水淨刮洗去皮膜次用蜜麩令色

勻黃時取少許指燃之隨手如碎麩金更煖水洗去燥熱

乾入諸香使用○造油衣法具六月○剪羊毛是月候毛

床動則鉸鉸訖以河水洗則生毛潔白○收榆子此月收

種宜於塹坑中以陳屋草布塹中散榆莢於其上以土輕

覆之即生○雜事是月順陽氣宜布德賑乏絕利溝澮蓋

垣墻治屋室以待霖雨修門戶設守備以防春飢之寇菜

黍粟博布貨百日油子丑造者於鋤川工價脫整移越瓜茄子

收蠶菁花作乾菜○季春行夏令則人多疾疫時雨不降

○行秋令則天多陰沉淫雨早降○行冬令則寒氣時發

草木皆肅○種木綿法節進則穀雨前一二日種之退則

後十日內樹之大槩必不違立夏之日又種之時前期一

日以綿種雜以溺灰兩足十分揉之又田不下三四度翻

耕令土深厚而無塊則萌芽善長而不病何者木綿無穢

根只有一直根故未盛時少遇風露善死而難立苗又種

之後澆以牛糞亦易長而多實若先以牛糞糞之而後

耕之則厥田二三歲內土虛矣立苗後鋤不厭多須行四五度又法七月十五日於木綿田四隅掘金鈴終日吹角則青桃不殞

四時纂要春令卷之二